



PEMAKLUMAN

STATUS SEMASA MBOT SEBAGAI PENANDATANGAN SEOUL ACCORD

PUTRAJAYA, 1 FEBRUARI 2023 – Lembaga Teknologis Malaysia (MBOT) merupakan penandatanganan sementara Seoul Accord iaitu perjanjian pengiktirafan pelbagai hala bagi bidang teknologi maklumat dan pengkomputeran sejak tahun 2019. MBOT menyasarkan untuk menjadi penandatanganan penuh Seoul Accord pada tahun 2023.

Dalam persediaan MBOT untuk memenuhi keperluan tersebut, MBOT telah menubuhkan satu Jawatankuasa khusus yang terdiri daripada wakil-wakil universiti awam dan swasta untuk membantu khususnya dalam aspek teknikal.

MBOT juga telah menjalankan beberapa libat urus dengan pihak urus setia Seoul Accord serta negara-negara penandatanganan yang lain. Ia bertujuan untuk memastikan MBOT menepati syarat dan standard keperluan dan kriteria yang telah ditetapkan oleh Seoul Accord.

Pada masa ini, dokumen akreditasi MBOT sedang disemak oleh Australian Computer Society (ACS). Sekiranya pihak ACS berpuas hati, mereka akan mengesyorkan kepada pihak sekretariat Seoul Accord supaya menjalankan penilaian terhadap proses akreditasi program profesional yang dijalankan oleh MBOT.

Pengiktirafan di peringkat global ini akan memberikan impak positif kepada jaminan kualiti program-program berkaitan teknologi maklumat dan pengkomputeran yang diakreditasi oleh MBOT. Ia sekaligus dapat meningkatkan kebolehpasaran dan penerimaan industri terhadap graduan-graduan yang dihasilkan melalui program-program tersebut. Dengan MBOT sebagai badan yang mewakili Malaysia dalam menandatangani perjanjian ini, graduan-graduan yang dihasilkan adalah setaraf dengan graduan-graduan dari negara-negara maju yang menjadi penandatanganan Seoul Accord.

Seoul Accord telah ditubuhkan pada tahun 2008 dengan 9 negara yang merupakan penandatanganan penuh dan 8 negara penandatanganan sementara, termasuk MBOT dari Malaysia. Negara-negara penandatanganan penuh iaitu Korea Selatan, Amerika Syarikat Australia, United Kingdom, Mexico, Kanada, Hong Kong, Taiwan dan Jepun.

Untuk sebarang maklumat berhubung akreditasi MBOT, bolehlah berhubung dengan Sekretariat Teknologi dan Teknikal (TTAS) MBOT di talian +603-8800 6210 atau email ttas@mbot.org.my.

-TAMAT-

Lembaga Teknologis Malaysia (MBOT) merupakan sebuah badan profesional yang memberikan pengiktirafan profesional kepada Teknologis dan Juruteknik dalam bidang teknologi dan teknikal. MBOT telah ditubuhkan di bawah Akta Teknologis dan Juruteknik 2015 [Akta 768] untuk mengiktiraf, mengawal, menggalak dan membangunkan profesion teknologis dan juruteknik sebagai profesion ikhtisas.

Untuk maklumat lanjut, sila hubungi:

Lembaga Teknologis Malaysia (MBOT)

t.nabila@mbot.org.my

+603-8800 6268/+6017-798 2604